

Powšitkowne WOZJEWJENJA

njedźelu, 22. apryla 2012

Hłowna zhromadźizna Towarstwa Cyrila a Metoda

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu pjatk, 27. apryla, do Chrósćic. Započnjemy w 19.00 hodź. z Božej mšu w cyrkwi, kotruž wuhotuje Chróšćanski cyrkwinski chór. Přizamknje so zhromadźizna na farje. Sćehowacy dnjowy porjad je předwidžany:

1. zahajenje z Chróšćanskim cyrkwiskim chórom
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa
5. rozprawa rewizijneje komisije
6. schwalenje rozprawow
7. fotowa prezentacija džělawosće towarstwa w zašłym lěće
8. diskusija
9. zakónčenje / modlitwa

Jurij Špitank, předsyda TCM

TCM přeprašuje na nyšpor do Róžanta

Na wosebity nyšpor njedźelu, 6. meje, w 17.00 hodź. přeprašuje Towarstwo Cyrila a Metoda (TCM) wšitkich wěriwych do hnadowneje cyrkwy w Róžeńce. Dalše wozjewi so za tydžeń.

Nyšpor z požohnowanjom motorskich

Popołdno z požohnowanjom motorskich zahaji so njedźelu, 22. apryla, w 14 hodź. z nyšporom w Rabličanskej cyrkwi. Po nim požohnuja so motorske. Přizamknje so wulět.

Serbske kemše w Drježdžanach

Serbja, jich přiwuzni a přećeljo su wutrobnje přeprašeni na serbske kemše njedźelu 22. apryla, w 17 hodź. do cyrkwy swjateho Antonija w Drježdžanach Löbtau, Bünauska dróha 10. Božu mšu wosweći farar Achim Pjetaš. Po kemšach zetkamy so na bjesadu. M. Bubnarjec

Rozžohnowanje z biskopom Joachimom Reineltom

Na swjedžensku pontifikalnu Božu mšu z emeritowanym Drježdžansko-Mišnjanskim biskopom Joachimom Reineltom su wšitcy wěriwi štwórtk, 26. apryla, we 18 hodź. do Drježdžanskeje katedrale přeprašeni. Na kemšach wobdžěla so tohorunja biskopaj Joachim Wanke z Erfurta a Wolfgang Ipolt ze Zhorjelca, dalši biskopja a Drježdžansko-Mišnjanski diecezanski administrator Michael Bautz. Po džaknej Božej mši maja wšitcy wěriwi w Domje katedrale móžnosć, so z biskopom Reineltom rozžohnować.

Mejski nyšpor młodžiny

Wšitcy serbscy młodostni su wutoru, 1. meje, wutrobnje na mejski nyšpor k pomnikej swjateju Cyrila a Metoda pola Smochćic přeprašeni. Nyšporej, kotryž započnje so w 14 hodź., přizamknje so zhromadna swačina.

Swójbny kružk

Mačerje a nanojo z čěšenkami a małymi džěćimi su kóždu srjedu mjez 9 a 11 hodž. na Chróšćansku faru přeprašeni. Tam móža so z druhimi staršimi wuměnič, z džěćimi hrajkać a nowosće ke kubłanskim prašenjam zhonić. Kružk nawjeduje socialna džělaćerka Rěčneho centruma WITAJ, Judit Šolćic.

Za wulět samostejacych so přizjewić

Samostejacy ze serbskich wosadow změja wutoru, 22. meje, swój lětuši zhromadny wulět z busom, kotryž powjedže do Žitawskich hór. Zajimcy njech so hač do pjatka, 11. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so po zwučenym wašnju njedzelu do wulěta wozjewja.

Oratorij „Nalěčo“ zanjese so w nowym „šaće“

Najrjeńša twórba z cyklusa „Počasy“ z pjera Handrija Zejlerja a Korle Awgusta Kocora – oratorij „Nalěčo“ – zaklinči lětsa přeni raz w dospołnje nowym wobdžětanju Dietera Kempy a Christiana Kabitza, kotrež zložuje so na originalny klawěrnny wučah Korle Awgusta Kocora. W Hornjej Łužicy předstaji so oratorij tutu njedzelu, 22. apryla, w 14 hodž. w Kamjenskeje Marijinej cyrkwi. Pod wumělskim nawodom Judity Kubicec hudži orchester Sinfonietta z Drježdžan a spěwaja chóraj Bratrowstwa a Serbskeho ludoweho ansambla kaž tež chóry Budyšin, Lipa a Meja. Solistiske džěle přewozmu Susanne Thielemann, Tanja Donat, André Khamasmie a Jörg Hempel. Wopytowarjo smědža so na wosebitu hudźbnu chlósćenku wjeselić. Wšitcy zajimcy su wutrobnje do Kamjenca přeprašeni.

Beneficny koncert we Łazku

Před wulkotnej kulisu Łazkowskeho niwoweho lěsa wuhotuje Towarstwo swjateje Filomeny njedzelu, 29. apryla, w 14.30 hodž. beneficny koncert. Program wuhotuja spěwarka Uta Brězanec, Rakečanscy muzikanća, Serbska rejowanska skupina z Ćiska, spěwna skupina Po štyrjoch, kulturna skupina Worklečanskeje zakładneje šule, chór Wósličanskej ewangelskeje srjedźneje šule, Smjerdžečanska rejowanska skupina kaž tež ludowa basnica Monika Kochowa. Wunošk koncerta wužije so za twar džěłarnje za zbrašenych w Slavonskim Brodže w Chorwatskej. Wšitcy su wutrobnje do Łazka přeprašeni.